

UKIUMUT MISSINGERSUUSIORFIUSUMUT 2009-MUT KOMMUNINUT ATAATSI- MOORTUMIK TAPIISSUTIT PILLUGIT ISUMAQATIGIISSUT

Illua'tungeriit isumaqatigiissutigaa Inatsisartut 2009-imut aningaasanut inatsisissaannut siunnersuummi 830.611.000 kr.-it kommuninut ataatsimoortumik tapiissutigineqassasut naalakkersuisut siunnersuutigissagaat. Taamaalilluni ataatsimoortumik tapiissutit 2008-imi tapiissutaasuniit 52,9 mio. kr.-inik annertunerussapput. Ilanngussaq 1-imi takuneqarsinnaavoq isumaqatigiissuummi qanoq ataatsimoortumik tapiissutit 2008-imut sanilliullugit allannguuteqarnerat. Isumaqatigiissutip immikkuualuttortai ataani allaaserineqarput.

1. Akinut akissarsianullu iluarsiiissutit

2008-mut ataatsimoortumik tapiissutit pillugit isumaqatigiissuummi 2009-mi ataatsimoortumik tapiissutissanut 759,1 mio. kr.-it aallaaviusimapput. 2009-mut isumaqatigiissuummi inatsisitigut pisussaaffigisatigut akiliutinut soorlu ineqarnermut tapiissutinut aamma siusinaartumik pensionisiaqartunut kommunini aningaasartuutigisimasanut katillugit 98,2 mio. kr.-it akilerneqarput. 2009-mi ataatsimoortumik tapiissutinut aallaavigineqartut inatsisitigut pisussaaffigisat ilanngunnagit taamaattumik tassaapput 660,9 mio. kr.-it.

Illua'tungeriinnit isumaqatigiissutigineqarpoq inatsisit tunngavigalugit akiliutissat ilanngunnagit 2009-imi ataatsimoortumik tapiissutinut aallaaviusussat 660,9 mio. kr.-it akinut akissarsianullu 5,04 %-imik iluarsiiissusemeqassasut, tassa 2009-mi 33.308.000 mio. kr.-inik annertussuseqartut.

2. Utoqqalinersiat

Utoqqalinersiat pillugit inatsisartut peqqussutaat nutaaq 1. juli 2007-mi atulerpoq. Peqqussummi utoqqalinersiuteqartunut aningaasat tunngaviusut malunnaatilimmik qaffanneqarput, tamatumalu kingunerisaanik kommunit akileraarutitigut annertunerusumik isertitaqarlutik, taamaattumik 2008-mut isumaqatigiissuummi 2008-mi 26.740.000 kr.-inik, 2009-mi 26.370.000 kr.-inik, 2010-mi 22.750.000 kr.-inik aamma 2011-miit 23.520.000 kr.-inik kommuninut ataatsimoortumik tapiissutit ikilineqarlutik. Kiisalu 2007-mut ilassutitut isumaqatigiissusiorortoqarsimavoq, tamatumalu kingunerisaanik 2007-mi ataatsimoortumik tapiissutit 13.690.000 kr.-inik ikilineqarlutik.

Taamaattorli konto pingaarneq 30.12.08 Utoqqalineri pensionisiani, annikinnerungaatsiartumik atuiffiusumi, 2007-mi atuneq tunngavigalugu paasineqarpoq utoqqalinersiat qaffanneqarnerisa aningaasaqarnikkut kingunissai ingasanaarlugit naliliiffigineqarsimasut.

Qulaani taaneqartut tunngavigalugit illua 'tungeriit isumaqatigiipput 2009-mi ataatsimoortumik tapiissutit pillugit isumaqatigiisummi 2007-mi annikinnerusumik atuisimaneq kiisalu ukiuni 2008-mi aamma 2009-mi ilimagineqartumut annikinnerusumik atuinissaq pillugu kommunit taarsiiffigineqassasut. Aamma ukiuni missingersuusiorfusuni 2010-mi ukiunilu tulliuttuni immikkoortumi ilimagineqartutut annikinnerusumik atuinissamut taarsiisoqassaaq.

2009-mut Inatsisartut aningaasanut inatsisissaannut siunnersuusiornermi konto pingaarneq 30.12.08-mi aningaasaliissutit Ilaqutariinnut Peqqissutsimullu Naalackersuisoqarfimmit naliliifigeqqinnerisigut ukiuni 2009-2011-mi immikkoortumut aningaasaliissutit 20 mio. kr.-inik ikilivaat, 2012-mulli 25 mio. kr.-iullutik.

Tamanna tunngavigalugu illuatungeriit isumaqatigiipput 2009-mi kommuninut ataatsimoortumik tapiissutit 23.908.000 kr.-inik qaffassallugit. Aningaasani taakkunaniipput 2007-mi 9.241.000 kr.-inik annikinnerusumik atuisimaneq pillugu kingusinnerusukkut iluarsisutit, 2008-mut aamma 2009-mut 7.333.000 kr.-it akiliutigineqassallutik.

2010-2011 eqqarsaatigalugu ataatsimoortumik tapiissutit 7.333.000 kr.-inik qaffanneqarput, ukiuni taakkunani aningaasaliissutit 30 mio. kr.-inik ikilinerisa malitsigisaannik.

2012-miit ataatsimoortumik tapiissutit 6.111.000 kr.-inik qaffanneqassapput, ukiumi tassani aningaasaliissutit 25 mio. kr.-inik ikilinerisa malitsigisaannik.

3. Meeqqat atuarfianni inaarutaasumik naliliineq

Meeqqat atuarfianni inaarutaasumik naliliineq pillugu nalunaarut nr. 12, 27. juuni 2007-imeersoq 1. aggustimi 2007-mi atulerpoq. Nalunaarummit takuneqarsinnaavoq meeqqat atuarfiani atuartitsissutissatut neqeroorutigineqartut tamarnik, atuartitsissut 'inuttut ineriartorneq' ilanngunnagu, atuarfinni ataasiakkaani oqaluttariarsorluni misilitsinnerni atuartitsissutit misilitsiffiusinnaasut.

Decemberip aallaqqaataani inaarutaasumik paasineqassaaq atuartitsissutit suut misilitsiffigineqartassanersut, atuartullu qassit ukiuni atuarfusuni ataasiakkaani misilitsittassanersut. Namminersornerullutik Oqartussat aamma IMAK-ip akornanni isumaqatigiisut malillugu suliasatut pilersaarutaasut ukiup atuarfusup ingerlanerani ilinniartitsisumit ingerlanneqartussat nalunaarutigineqassapput. Taamaattumik atuarfinni ataasiakkaani atuartitsissutini misilitsiffiusinnaasuni atuaqatigiinnut tamanut tiiminik ilinniartitsisoq aallaaviatigut tunineqassaaq, taamaattumik meeqqat atuarfianni inaarutaasumik naliliineq pillugu nalunaarut immikkut aningaasartuuteqarnermik kommuninut kinguneqarsimalluni.

Tamanna tunngavigalugu illuatungeriit isumaqatigiipput 2009-mi 5.062.000 kr.-inik aamma 2010-miit 1.742.000 kr.-inik ataatsimoortumik tapiissutit qaffanneqassasut. 2009-mi ataatsimoortumik

tapiissutit qaffannerini 2007-mi aamma 2008-mi aningaasartuutitut kingusinnerusukkut iluarsii-
sutit ilanngunneqarput.

4. Sulitilluni ajoqusersinnaanermut sillimmasiisarneq pillugu peqqussut

2007-mi Inatsisartut ukiakkut ataatsimiinneranni sulitilluni ajoqusersinnaanermut sillimmasiisarneq
pillugu peqqussut nutaaq, Danmarkimi atuuttussanngorlugu Folketingimit akuersissutigineqarsi-
masoq, Namminersornerullutik Oqartussanit peqataaffigineqassasoq akuersissutigineqarpoq. Sulitil-
luni ajoqusersinnaanermut sillimmasiisarneq pillugu peqqussut nutaaq 1. januaari 2008-mi atuutil-
erpoq.

Sulitilluni ajoqusersinnaanermut sillimmasiisarneq pillugu peqqussut nutaaq sulitilluni ajoqusernerit
akuerineqarnissaannut aamma akiliuteqarnissamut malittarisassanik ullutsinnut naleqqunnerusunik
imaqarpoq. Aamma sulitilluni ajoqusernermut tunngasut pisariinnerusumik eqaannerusumillu inger-
latsinissamik kinguneqartussaavoq.

Sulitilluni ajoqusersinnaanermut sillimmasiisarneq pillugu peqqussut nutaaq sillimmasiisimasunut
akiliutaasartut qaffannerannik kinguneqassasoq naatsorsuutigineqarpoq, taamaattumillu sillimma-
siisarnermut akiliutitut aningaasartuuteqarnerulernissaq kommunit naatsorsuutigaat. Tamanna tun-
ngavigalugu illuatungeriit isumaqatigiipput 2009-mi 4,0 mio. kr.-inik aamma 2010-miit 2,0 mio.
kr.-inik ataatsimoortumik tapiissutit qaffanneqassasut. 2009-mi ataatsimoortumik tapiissutitut qaf-
faanermiipput 2008-mi aningaasartuutit kingusinnerusukkut iluarsiiissutit. Illua'tungeriit isuma-
qatigiipput ukiumut missingersuusiorfiusumut 2010-mut ataatsimoortumik tapiissutissat isumaqati-
giissutigineqarneranni suliassaqarfik tamanna nalilersoqqinneqassasoq, sulitilluni ajoqusersin-
naanermut sillimmasiisarneq pillugu peqqussutit nutaap ajoqusernerit annertussusiat sillimmasiin-
ermullu akiliutit qaffannerat pissutigalugu kommunit aningaasartuuteqarnerulernissaannik kingune-
qartussaananeramik nalilersuinissamut tunngavissarissaarnerulernissaq pillugu.

5. Paaqqinninersiutit

Paaqqinninersiutit nalinginnaasut qaammammut 3.298 kr.-iniit 4.123 kr.-inut qaffanneqarput.
Paaqqinninersiutit qaffanneqarneri 1. juuli 2008-miit atulersinneqarput. Paaqqinninersiutit nali-
nginnaasut 1998-imili iluarsiivigineqarsimangillat. Paaqqinninersiutit qaffanneqarnerisigut kis-
saatigineqarpoq angajoqqaarsiat annertuumik suliniuteqarnerata kajumissaasarneqarnissaa angajoq-
qaarsiaanerlu pilerinarnerulersinniarlugu. Ullumikkut taamaalilluni angajoqqaarsiasanik ami-
gaateqartoqarpoq.

Naatsorsuutigineqarpoq ullumikkut kommunit paaqqinninersiutinik nalinginnaasunik qaammam-
mut 596-inut akiliuteqartartut. Paaqqinninersiutit taakkua ilaat annikitsut paaqqinninersiutit qaf-
fatatut tunniunneqartarput, taamaattoqartillugu paaqqinninersiutit 50 imaluunniit 100%-imik qaf-
fanneqartarlutik. Meeraq paarineqarnermini immikkut pisariaqartitsisutut kommunimit naliliiffi-
gineqaraangat paaqqinninersiutit qaffanneqartarput.

Tamanna tunngavigalugu illuatungeriit isumaqatigiipput 2009-miit ataatsimoortumik tapiissutit 6,0 mio. kr.-inik qaffanneqassasut. 2008 eqqarsaatigalugu ilassummik isumaqatigiissusiortoqarsimavoq, tamatumalu kingunerisaanik 2008-mi ataatsimoortumik tapiissutit 3,0 mio. kr.-inik qaffanneqarsimallutik.

6. aamma 7. Aningaasartuutininik inatsisitigut pisussaaffigisanik iluarsineq nalileeqqinnerlu

6.1 Siusinaartumik soraarnerussutisianik 2007-imut iluarsineq

Siusinaartumik soraarnerussutisianut aningaasartuutit 2007-imi naatsorsuutigisaniit amerlanerulaarsimapput. Tamanna tunuliaqutaralugu illua'tungeriit isumaqatigiissutigaaat kommuninut ataatsimoortumik tapiissutit 2009-mi 2.355.000 mio. kr.-inik qaffanneqassasut.

6.2 Siusinaartumik soraarnerussutisianik 2012-miit iluarsineq

50/50-imik aaqqissuussinerup piviusunngortikkiartorneqarnera peqatigitillugu kommunini siusinaartumik soraarnerussutisianut aningaasartuutit qaffannissaannik naatsorsuuteqarneq tunuliaqutaralugu ukiumi missingersuusiorfusumi 2012-mi immikkoortumut missiliutaagallartumik immikkut 6 mio mio. kr.-it immikkoortinneqarput. 2008-mi kommuninut ataatsimoortumik tapiissutit pillugit isumaqatigiissummi ukiuni missingersuusiorfusuni tamani 2009-2011-mi pineqartumut 6 mio. kr.-inik immikkoortitsisoqarpoq.

7.1 Ineqarnermut tapiissutinik 2007-imut iluarsineq

Ineqarnermut tapiissutinut aningaasartuutit 2007-imi naatsorsuutigineqartutut annertutigisimasi-mapput. Illua'tungeriit isumaqatigiipput kommuninut ataatsimoortumik tapiissutit 2009-mi 71.000 kr.-inik ikiliniarlugit 2007-imi naatsorsuutigineqartunut naleqqiullugu atuinermut akiliutitut. 2007-mi atuinermut akiliutit 2008-mut isumaqatigiissummi kommuninut ataatsimoortumik tapiissutit 4.000.000 kr.-inik qaffanneqarnerannut naleqqiullugit isigineqassapput, 2007-mi immikkoortumi kommunit ilimagisatut aningaasartuutaasa qaffakkiartornerinut taarsiissutitut. Kiisalu ukiunut missingersuusiorfusunut 2009-2011-mut ukiut tamaasa suliassaqarfimmut tamatumunnga 2 mio. kr.-inik missiliutaagallartutut ilassuteqartoqartassaaq.

8. Meeqqanut inuusuttuaqqanullu ulloq unnuarlu najugaqarfiit pillugit 2009-mut missingersuutit

Ilaqutariinnermut Pisortaqaqarfiup KANUKOKA-llu akornanni isumasioqatigiittoqareerneratigut ulloq unnuarlu meeqqanut inuusuttuaqqanullu angerlarsimaffinni 2009-mi aningaasartuutissat pillugit isumaqatigiittoqarpoq.

Ulloq unnuarlu meeqqat inuusuttuaqqallu angerlarsimaffiinut kommunit 2009-mi aningaasartuutissaat katillugit 123.540.000 kr.-inut missingersuusiorneqarput. 2007-imi atuinikinnerussutaasut

3.260.000 kr.-it ilanngunneqassapput, taamalu kommuninut ataatsimoortumik tapiissutit 50%-imik aningaasaliissutit sinnerinit ilanngarneqassapput, katillugit 4.430.000 kr.-inik annertussuseqartunik, kommuninut ataatsimoortumik tapiissutinit ilanngaatineqartussanik.

Illua'tungeriit tamanna tunuliaqutaralugu isumaqatigiissutigaaat ataatsimoortumik 2009-mi tapiissutit 61.770.000 kr.-inik ikilisinneqassasut.

9. Meeqqat atuarfiisa sillimaserneqarnissaannut pisussaaffik

2007-mi ukiumut missingersuusiorfiusumut kommuninut ataatsimoortumik tapiissutit pillugit isumaqatigiissummi ataani allanneqarsimasoq immikkoortoq 8-tut ilanngunneqarpoq:

”

2006-imi kommunit meeqqat atuarfiisa sillimaserneqarnissaannut pisussaaffik tigummilerpaat, kisiannili paasinarsisimavoq kommunit aningaasartuummut tassunga taartisiaat annikippallaarsimasut.

Illua'tungeriit isumaqatigiissutigaaat ataatsimoortumik tapiissutit 691.000 kr.-inik 2007 aallarnerfigalugu qaffanneqassasut, aammalu 691.000 kr.-inik 2007-imi qaffaqqinneqassasut, 2006-imi kingulerussutaasunut matussutitut.

”

2008-mi ukiumut missingersuusiorfiusumut kommuninut ataatsimoortumik tapiissutit pillugit isumaqatigiissusiornermi immikkoortoq ilanngutinngitsoorneqarsimavoq, taamaattumik 2006 pillugu kinguaattoorutininut taarsiissutissat 691.000 kr.-it 2008-mi isumaqatigiissummi iluarsiiiffigineqarsimanatik. Tamanna tunngavigalugu illua'tungeriit isumaqatigiipput ataatsimoortumik tapiissutit 2009-mi 1.382.000 kr.-inik aamma 2010-miit 691.000 kr.-inik ikilineqassasut.

10. Kangerlussuarmi kloakinik iluarsaassineq

Kangerlussuaq pillugu akisussaaffik Namminersorerullutik Oqartussaniit Sisimiut Kommunianut 2002-mi tunniunneqarpoq. Tunniussinermut atatillugu Namminersorerullutik Oqartussat Kangerlussuarmi kloakinik iluarsaassisussaapput naammaginatunngorlugit. Iluarsaassinerli isumagineqarsimangilaq.

Tamatuma kingorna Namminersorerullutik Oqartussat Kangerlussuarmi kloakit qanoq inneri pillugit nalunaarusiorsimapput. Nalunaarusiaq Rambøll-imit suliarineqarsimavoq januar 2008-milu tunniunneqarluni. Nalunaarusiami allanneqarpoq Kangerlussuarmi kloakkit pilertortumik iluarsaanneqarnissaannut 3,4 mio. kr.-inik pisariaqartitsisoqartoq. Aammattaaq ukiuni tulluuttuni suliarineqartussanik aserfallatsaaliinissamut 6,5 mio. kr.-inik pisariaqartitsisoqarluni.

Pilertortumik iluarsaassisariaqarnermut Inatsisartut Aningaasaqarnermut Ataatsimiititaliaat 0,6 mio. kr.-inik ilassutitut aningaasaliissutinik akuersisimapput 2008-mi Sisimiut Kommunanut ingerlatineqartussanik.

Pilertortumik iluarsaassisariaqarnerup sinnera pillugu illua'tungeriit isumaqatigiippat ataatsimoortumik tapiissutit 2009-mi 2,8 mio. kr.-inik qaffanneqassasut. Aningaasat Qeqqata kommunianut nutaamut tunniunneqassapput.

Immikkoortumi aserfallatsaaliinissamut kinguaattoorutit sinneruttut 6,5 mio. kr.-it, Kalaallit Nunaani kloakkit pillugit isumaqatigiissutip nutarterneqarnissaanut, piffissamut 2005-2009-mi kommunianut ataatsimoortumik tapiissutinut ilanngullugit ilaatinneqassapput. Isumaqatigiissut ukiumut 17 mio. kr.-inik annertussuseqarpoq.

11. Annertusisamik immikkut atuartitsineq

Aningaasartuutit utertinneqartussat qaffasissusissaat Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik aamma Kalaallit Nunaanni Kommuneqarfiit Kattuffiat isumaqatigiissutigineqarput. Utertinneqartussat 2008-imi 2009-imilu akissarsianut missingersukkat tunngavigalugit iluarsiiiffigineqarput. Akissarsiat 2008-imi atorneqartut 2,86%-imik 2007-imi akissarsiat aallaavigalugit iluarsiiiffigineqarput, aamma 2009-mi akit atorneqartussat 2008-imut missingersuutit aallaavigalugit 5,04%-imik iluarsiiiffigineqarput. Illua'tungeriit isumaqatigiissutigaat immikkut atuartitsinermut aningaasarsianut utertinneqartussaq 2009-imi 511,79 kr.-inik minutsini 60-imi atuartitsinermut annertussusilerneqassasoq.

12. Meeqqanut akilersuutinut kinguaattoorutit

Ataatsimoortumik tapiissutit pillugit isumaqatigiissutip matuma isumaqatigiissutiginnissaa sioqqullugu akiliisitsiniartarfiup qitiusumiit ingerlanneqalernissaanut atatillugu 2008-mut ataatsimoortumik tapiissutit pillugit isumaqatigiissummut ilassutitut isumaqatigiissuteqarnermi Namminersornerullutik Oqartussat aamma kommunit pisussaaffilerput allannguuteqarsinnaaneq siunertaralugu meeqqanut akilersuutinut kinguaattoorutinut tunngasut misissuiffigineqassasut. Illua'tungeriit isumaqatigiippat ukiumut missingersuusiorfiusumut 2010-mut ataatsimoortumik tapiissutit pillugit isumaqatigiissuteqarnissamut suliaq taanna kinguartinneqassasoq.

13. Biiliniq angallannermi ajutoornermi kiggigussaasimasunik annaassiniarnermi atortunik pisinissamut kommunit aningaasartuutaat

Illua'tungeriit tamanna isumaqatigiinniarnerni eqqartorsimavaat. Namminersornerullutik Oqartussat ilisimatitsisimapput sillimaniarnerup ilaa tamanna Kalaallit Nunaannut oqartussaaffigisassanngortinneqarsimasoq.

Illua'tungeriit isumaqatigiipput ukiumut missingersuusiorfiusumut 2010-mut ataatsimoortumik tapiissutissat pillugit isumaqatigiinniarnissani tamanna ilanngunneqarumaartoq kommunit suliassarqarfimmut tamatumunnga aningaasartuutaasa qulaajarneqarnissaat siunertaralugu.

14. Aaqqissuussaannermik iluarsaaqqinneq

Illua'tungeriit isumaqatigiipput Aaqqissuussaannermik iluarsaaqqinnermut atatillugu Namminersornerullutik Oqartussat aamma kommunit akornanni suliassat taakkunungalu atasut aningaasaliisutit nuunneqarnerini tamanna pillugu illuatungeriit ilassummik isumaqatigiissusiorsinnaasut. Ilassutitut isumaqatigiissut soorunami isumaqatigiissutigineqassaaq oqartussanit aningaasaliisussanit kingusinnerusukkut akuerisassanngorlugu.

Aaqqissuussaannermik iluarsaaqqinnermut atatillugu siunertaq tassaavoq innuttaasut Namminersornerullutik Oqartussanut kommuninullu attaveqarnerini IT-p atorneqarnissaanut periarfissanut naleqqiullugu innuttaasunik sullissineq pitsaanerulersissallugu. Innuttaasunik sullissinerup pitsaanerulernisaa anguniarlugu Namminersornerullutik Oqartussanit, KANUKOKA-mit kommuniniillu peqataaffigineqartumik "Pisortat ataatsimut IT-mik Aqutsisoqatigiivini" pilersitsisoqarpoq. 2008-mut Aningaasanut inatsimmit ukiunut 2008-mut aamma 2009-mut tamanut Namminersornerullutik Oqartussat 5 mio. kr.-inik immikkoortitsisimapput. Illua'tungeriit isumaqatigiipput Ikaarsaariarnermi ataatsimiititaliat IT-mik aqutsisoqatigiinnik akuersinissaat aqutsisoqatigiinnullu ilaasortassanik toqqaanissaat apeqqutaatillugu ataatsimoortumik tapiissutissani tamarmiusuni 5 mio. kr.-inik iniminniisoqassasoq 2009-mi ineriartortitsinnermut aningaasartuutissanut kommunit akileeqataassutissaannik. Siunertaq tassaavoq innuttaasunik sullissinerup pitsaanerulernisaa pillugu "Pisortat ataatsimut IT-mik Aqutsisoqatigiivini" sulinerup pilersaarusiorneqarnera 2008-mi aasap kingorna aallartineqassasoq.


15. Taasariaqartut allat

Ataatsimoortumik tapiissutinut Namminersornerullutik Oqartussat kommunillu isumaqatigiissutaat una aningaasanik akuersisartut akuersinissaat apeqqutaatillugu isumaqatigiissutigineqarpoq.

Nuuk, ulloq 20. juuni 2008.



Aleqa Hammond
Aningaasaqarnermut Nunanullu Allanut
Naalakkersuisoq



Søren Alaufesen
Kalaallit Nunaanni Kommuneqarfiit
Kattuffiata siulittaasua

NAMMINERSORNERULLUTIK OQARTUSSAT
KALAALLIT NUNAANNI KOMMUNEQARFIIT KATTUFFIAT

Ilanngussaq 1. 2009-mi kommuninut ataatsimoortumik tapiissutissanik isumaqatigiissutip immikkuulualuttui

	Isumaqatigiissut			
	2009	2010	2011	2012
2008-mut isumaqatigiissut malillugu aallaavik	759.061.000	755,7	741,9	741,9
1. Akit aningaasarsiallu qaffakkiartornerannut iluarsiiissut	33.308.000	32,6	31,4	31,1
2. Utoqqalinersiutit	23.908.000	7,3	7,3	6,1
3. Meeqqat atuarianni inaarutaasumik naliliineq	5.062.000	1,7	1,7	1,7
4. Sulitilluni ajutoorsinnaanermut sillimmasiisarnermut peqqussut	4.000.000	2,0	2,0	2,0
5. Paarisarialinnut akiliutit	6.000.000	6,0	6,0	6,0
6.1. Siusinaartumik pensionisaqarnermut iluarsiiissutit 2007-imut	2.355.000	0,0	0,0	0,0
6.2. Siusinaartumik pensionisaqarnermut iluarsiiissutit 2012-mut	0	0,0	0,0	6,0
7.1. Ineqarnermut tapiissutinut iluarsiiissutit 2007-imut	-71.000	0,0	0,0	0,0
8. Meeqqanik inuusuttunillu ulloq unnuarlu paaqqinnittarfiit	-4.430.000	0,0	0,0	0,0
9. Atuarfiit illutaannut sillimmasiinissamut pisussaataaneq	-1.382.000	-0,7	-0,7	-0,7
10. Kangerlussuarmi kloakinik iluarsaassineq	2.800.000	0,0	0,0	0,0
Kommuninut ataatsimoortumik tapiissutit nutaat	830.611.000	804,7	789,7	794,2